



অবিলম্বে প্রকাশের উদ্দেশ্যে: 11/11/2022

গভর্নর ক্যাথি হোকল

নিউ ইয়র্ক স্টেট হাইওয়ের অংশবিশেষকে ভেটেরানদের জন্য উৎসর্গ করে গভর্নর হোকলের আইনি প্যাকেজ স্বাক্ষর

এই আইন (S.6544C/A.6368-B) এরি কাউন্টির স্টেট হাইওয়ে সিস্টেমের অংশবিশেষকে "কালিনোস্কি ব্রাদার্স মেমোরিয়াল ব্রিজ" হিসেবে ঘোষণা করছে

এই আইন (S.6551D/A.6363) স্টেট হাইওয়ে সিস্টেমের অংশবিশেষকে "মাস্টার সার্জেন্ট টমাস পি. ম্যাডিসন মেমোরিয়াল হাইওয়ে" হিসেবে ঘোষণা করছে

এই আইন (S.8305A/A.9351-A) স্টেট হাইওয়ে সিস্টেমের অংশবিশেষকে "WWII র্যাপোন ব্রাদার্স মেমোরিয়াল হাইওয়ে" হিসেবে ঘোষণা করছে

এই আইন (S.7416B/A. 8400-B) ক্যাটারাগাস কাউন্টির স্টেট হাইওয়ে সিস্টেমের অংশবিশেষকে "স্টাফ সার্জেন্ট ডেভিড টেক্সটর মেমোরিয়াল হাইওয়ে" হিসেবে ঘোষণা করছে

এই আইন (S.7903B/A.9068-B) স্টেট হাইওয়ে সিস্টেমের অংশবিশেষকে "ফার্স্ট লেফটেন্যান্ট স্টিফেন এইচ. ডোয়ান মেমোরিয়াল ব্রিজ" হিসেবে ঘোষণা করছে

এই আইন (S.8085C/A.9046-B) অন্টারিও কাউন্টির স্টেট হাইওয়ে সিস্টেমের অংশবিশেষকে "রালফ ক্যালাব্রিজ মেমোরিয়াল হাইওয়ে" হিসেবে ঘোষণা করছে

এই আইন (S.8681A/A.8535-A) স্টেট হাইওয়ে সিস্টেমের অংশবিশেষকে "স্পেশালিস্ট জেসন হ্যাসেনুয়ের মেমোরিয়াল হাইওয়ে" হিসেবে ঘোষণা করছে।

এই আইন (S.8688A/A.9653-A) স্টেট হাইওয়ে সিস্টেমের অংশবিশেষকে "ট্রুপার জন জে. লেন মেমোরিয়াল ব্রিজ" হিসেবে ঘোষণা করছে।

এই আইন (S.9028/A.10110) স্টেট হাইওয়ে সিস্টেমের অংশবিশেষকে "সার্জেন্ট গ্যারি বেইকরিচ মেমোরিয়াল হাইওয়ে" হিসেবে ঘোষণা করছে

**এই আইন (S.8726A/A.10024-A) স্টেট হাইওয়ে সিস্টেমের অংশবিশেষকে "কর্নেল মাইকেল প্লামার মেমোরিয়াল হাইওয়ে" হিসেবে ঘোষণা করছে।**

নিউ ইয়র্ক স্টেটের হাইওয়ে সিস্টেমের অংশবিশেষকে ভেটেরানদের জন্য উৎসর্গ করে গভর্নর ক্যাথি হোকল একটি আইনি প্যাকেজ স্বাক্ষর করেছেন।

"আমরা নিউ ইয়র্কের ভেটেরানদের কাছে অনেক বেশি ঋণী, যারা সবসময় সুরক্ষা ও সেবা প্রদানের ডাকে সাড়া দিয়েছেন," বলেছেন গভর্নর হোকল। "এসব হাইওয়ের নামকরণ আমাদেরকে নিউ ইয়র্কের সবচেয়ে উৎকৃষ্ট মানুষদের অবদান ও ত্যাগের প্রতি স্বীকৃতি দিতে ও সম্মান দেখাতে সাহায্য করবে, এবং তাদের ঐতিহ্য যাতে আগামী প্রজন্মগুলোর জন্য বেঁচে থাকে সে বিষয়টি নিশ্চিত করতে সাহায্য করবে।"

এই আইন (S.6544C/A.6368-B) এরি কাউন্টির হল্যান্ড শহরের ক্যাজেনোভিয়া ক্রিক অতিক্রমকারী রুট 16-কে "কালিনোস্কি ব্রাদার্স মেমোরিয়াল ব্রিজ" হিসেবে ঘোষণা করে। এটি কালিনোস্কি পরিবারের প্রতি শ্রদ্ধা নিবেদন করবে, যাদের পাঁচ ছেলে সশস্ত্র বাহিনীতে কর্মরত ছিল। প্রাইভেট ফার্স্ট ক্লাস জন কালিনোস্কি দ্বিতীয় বিশ্বযুদ্ধ এবং কোরিয়ান সংঘাতের সময় মার্কিন নৌবাহিনী এবং ন্যাশনাল গার্ড উভয়টিতে কর্মরত ছিলেন। PFC কালিনোস্কি মিলিটারি পুলিশের সদস্য ছিলেন এবং WWII ভিক্টোরি মেডেল এবং আমেরিকান ক্যাম্পেইন মেডেল পেয়েছিলেন। প্রাইভেট ম্যাথিউ কালিনোস্কি দ্বিতীয় বিশ্বযুদ্ধের সময় US সেনাবাহিনীতে কর্মরত ছিলেন। স্টাফ সার্জেন্ট চেস্টার কালিনোস্কি দ্বিতীয় বিশ্বযুদ্ধের সময় মার্কিন বিমান বাহিনীতে রাডার রিপেয়ারম্যান হিসেবে কর্মরত ছিলেন, তিনি WWII ভিক্টোরি মেডেল পেয়েছিলেন। সার্জেন্ট আলফ্রেড কালিনোস্কি কোরিয়ান সংঘাতের সময় মেরিনে কর্মরত ছিলেন, তিনি সিলভার স্টার, কমব্যুট "V" সহ প্রশংসাসূচক মেডেল পেভেন্ট, 2য় পুরস্কারের পরিবর্তে গোল্ড স্টারের সাথে পার্পল হার্ট মেডেল, কোরিয়ান সার্ভিস মেডেল W/ 3 স্টার্স, জাতিসংঘ সেবা পদক, গুড কন্ডাক্ট মেডেল এবং ন্যাশনাল ডিফেন্স সার্ভিস মেডেল অর্জন করেছিলেন। স্টাফ সার্জেন্ট লিওনার্ড কালিনোস্কি কোরিয়ান সংঘাতের সময় মার্কিন বিমান বাহিনীতে কর্মরত ছিলেন। তাকে অকুপেশন মেডেল, ন্যাশনাল ডিফেন্স সার্ভিস মেডেল এবং গুড কন্ডাক্ট মেডেল প্রদান করা হয়। এই আইন পাঁচ কালিনোস্কি ভাইয়ের সম্মানজনক ও বীরত্বপূর্ণ সেবার প্রতি শ্রদ্ধা জ্ঞাপন করে।

**স্টেট সিনেটর প্যাট্রিক এম. গ্যালিভান বলেন,** "কালিনোস্কি ভাইয়েরা আমাদের দেশের সেরা যা দেওয়ার যা আছে তার সেরা উদাহরণ তুলে ধরে। এই পাঁচ সহোদর দ্বিতীয় বিশ্বযুদ্ধ এবং কোরিয়ান সংঘাতে আমাদের দেশের সেবা করেছেন, যা আমাদের সামরিক বাহিনীর প্রায় প্রতিটি শাখার প্রতিনিধিত্ব করে। এই বিশেষ উপাধি তাদের বীরত্বপূর্ণ সেবা কখনো না ভোলা নিশ্চিত করতে সাহায্য করবে।"

এই আইন (S.6551D/A.6363) ক্যাটারাগাস কাউন্টির অ্যালিগানি টাউনের স্টেট রুট 19-কে ওয়াইওমিং কাউন্টির পাইক টাউনে "মাস্টার সার্জেন্ট টমাস পি. ম্যাডিসন মেমোরিয়াল হাইওয়ে" হিসেবে ঘোষণা করে। এটি সার্জেন্ট ম্যাডিসনের সম্মানজনক ও বীরত্বপূর্ণ সেবার প্রতি শ্রদ্ধা

জানাবে। তিনি ছিলেন একজন অলঙ্কৃত সমর নায়ক এবং ভিয়েতনাম যুদ্ধের ভেটেরান, এবং ছোট অস্ত্র বিশেষজ্ঞ মার্কসম্যান রিবন, NCO পেশাদার সামরিক শিক্ষা রিবন V ডিভাইস, হিউম্যানিটারিয়ান সার্ভিস মেডেল, 4টি ডিভাইস সহ এয়ার ফোর্স লংজিবিটি সার্ভিস মেডেল, ন্যাশনাল ডিফেন্স সার্ভিস মেডেল, ভিয়েতনাম সার্ভিস মেডেল, এয়ার ফোর্স প্রেসিডেন্সিয়াল ইউনিট সাইটেশন, এয়ার ফোর্স আউটস্ট্যান্ডিং ইউনিট অ্যাওয়ার্ড WI ডিভাইস, ডিভাইস সহ ভিয়েতনাম গ্যালাক্সি ক্রস, ভিয়েতনাম ক্যাম্পেইন মেডেল বিজয়ী।

**স্টেট সিনেটর প্যাট্রিক এম. গ্যালিভান বলেন,** "সার্জেন্ট ম্যাডিসন ভিয়েতনাম যুদ্ধের একজন অত্যন্ত অলঙ্কৃত ভেটেরান এবং আমাদের জাতির প্রতি তার সেবার জন্য আমাদের কমিউনিটি তার প্রতি চিরকাল কৃতজ্ঞ। তার সম্মানে এই সেতুর নামকরণ করা তার উৎসর্গ ও অঙ্গীকারের জন্য স্থায়ী শ্রদ্ধা হিসেবে দাঁড়িয়ে থাকবে।"

এই আইন (S.7416B/A. 8400-B) ক্যাটারাগাস কাউন্টির র্যানডলফ টাউনের স্টেট রুট 394-কে "স্টাফ সার্জেন্ট ডেভিড টেক্সটের মেমোরিয়াল হাইওয়ে" হিসেবে ঘোষণা করে। স্টাফ সার্জেন্ট ডেভিড টেক্সটের যুক্তরাষ্ট্রের সেনাবাহিনীর কোম্পানি A, 3য় ব্যাটালিয়ন, 1ম স্পেশাল ফোর্সেস গ্রুপে (এয়ারবোর্ন) নিযুক্ত থেকে ইরাকে তার দেশের সেবা করেন। স্টাফ সার্জেন্ট টেক্সটের 15 জুলাই, 2018 তারিখে ইরাকের মসুলে যুদ্ধ অভিযান পরিচালনার সময় দুঃখজনকভাবে তার প্রাণ হারান। স্টাফ সার্জেন্ট টেক্সটের 2005 সালের মে মাসে স্পেশাল ফোর্সেস কোয়ালিফিকেশন কোর্স শুরু করেন এবং 2006 সালের নভেম্বরে তিনি "গ্রিন বেরেট" অর্জন করেন। স্টাফ সার্জেন্ট টেক্সটেরকে ব্রোঞ্জ স্টার মেডেল, পার্পল হার্ট মেডেল, মেরিটোরিয়াস সার্ভিস মেডেল, ন্যাশনাল ডিফেন্স সার্ভিস মেডেল, ক্যাম্পেইন স্টারসহ ইরাক ক্যাম্পেইন মেডেল, গ্লোবাল ওয়ার অন টেররিজম সার্ভিস মেডেল, নিউমেরাল "2" ডিভাইস সহ NCO প্রফেশনাল ডেভেলপমেন্ট রিবন, আর্মি সার্ভিস রিবন, ওভারসিজ সার্ভিস রিবন, কমব্যাট ইনফ্যান্ট্রিম্যান ব্যাজ, এক্সপার্ট ইনফ্যান্ট্রিম্যান ব্যাজ, প্যারাশুটিস্ট ব্যাজ, রেঞ্জার ট্যাব, এবং স্পেশাল ফোর্সেস ট্যাব লাভ করেন। স্টাফ সার্জেন্ট টেক্সটের চৌতাইকা কাউন্টিতে জন্মগ্রহণ করেন, যেখানে তিনি র্যান্ডলফ সেন্ট্রাল হাই স্কুলে পড়াশোনা করেন, ফুটবল, কুস্তি ও দৌড় প্রতিযোগিতায় প্রতিদ্বন্দ্বিতা করেন। র্যান্ডলফ শহর এই বিলের জন্য অনুরোধ জানিয়েছিল, সর্বসম্মত ভোটের মাধ্যমে সিদ্ধান্ত নেওয়া হয়েছে, এই আইনের জন্য অনুরোধ জানিয়ে একটি আনুষ্ঠানিক রেজোল্যুশন গ্রহণ করা হয়েছে।

**স্টেট সিনেটর জর্জ এম. বোরেলো বলেন,** "স্টাফ সার্জেন্ট টেক্সটের ছিলেন একজন সাহসী এবং অত্যন্ত অলঙ্কৃত গ্রিন বেরেট, যার জীবন ইরাকে আমাদের জাতির সেবা করার সময় দুঃখজনকভাবে হারিয়ে যায়। তার স্মরণে রুট 394-এর নামকরণ করাটা তার প্রতি শ্রদ্ধার্থ এবং যারা এর উপর দিয়ে যাবে তাদের স্মরণ করিয়ে দেবে যে সুরক্ষার জন্য কতটা বেদনাদায়ক মূল্য দেওয়া হয়েছে।"

এই আইন (S.8305A/A.9351-A) লিভিংস্টোন কাউন্টির ক্যালডোনিয়া গ্রামের স্টেট হাইওয়ে সিস্টেমের অংশবিশেষকে "WWII রয়্যাপোন ব্রাদার্স মেমোরিয়াল হাইওয়ে" হিসেবে ঘোষণা করে। এই উপাধি রয়্যাপোন পরিবার এবং তাদের পরিবারের ছয় জন সদস্যকে সম্মানিত করবে যারা দ্বিতীয় বিশ্বযুদ্ধের সময় সেবা দিয়েছেন। প্রাইভেট প্যাটসি এ. রয়্যাপোন 1944 সালে কর্মরত অবস্থায় মারা যান, তিনি মরণোত্তর পার্পল হার্ট লাভ করেন। 1945 সালে প্যাসিফিক থিয়েটারে

সিম্যান ফার্স্ট ক্লাস রকি এ. র্যাপোন আহত হন। প্রাইভেট জর্জ র্যাপোন, প্রাইভেট পিটার র্যাপোন এবং সিম্যান লুই র্যাপোন ইতালির আনজিও উপকূলে আহত হন। সার্জেন্ট জোসেফ র্যাপোনও দায়িত্ব পালন করেন।

**স্টেট সিনেটর প্যাট্রিক এম. গ্যালিভান বলেন,** "আমাদের কমিউনিটি কখনোই র্যাপোন পরিবারকে সত্যিকার অর্থে প্রতিদান দিতে পারবে না, যে সেবা তারা দিয়েছেন এবং আমাদের দেশের প্রতিরক্ষায় তারা যে আত্মত্যাগ সহ্য করেছেন তার জন্য। র্যাপোন ভাইদের সম্মানে এই মহাসড়কটি উৎসর্গ করা সর্বশ্রেষ্ঠ প্রজন্মের সদস্য হিসেবে দায়িত্ব পালনের প্রতি তাদের প্রতিশ্রুতিকে স্বীকৃতি দেয়।"

**অ্যাসেম্বলি সদস্য মারজোরি বিনেস বলেন,** "আমি ক্যালিফোর্নিয়াতে বাস করতে পেরে গর্বিত, যা র্যাপোন ভাইদের জন্মস্থান। তাদের দেশপ্রেম, সাহসিকতা এবং আমাদের দেশের প্রতি সেবা সমগ্র কমিউনিটি জুড়ে বিখ্যাত ও স্বীকৃত হওয়ার যোগ্য।"

এই আইন (S.7903B/A.9068-B) ডেলাওয়্যার কাউন্টির ওয়ালটন শহরে ডেলাওয়্যার স্ট্রিট এবং স্টকটন অ্যাভিনিউয়ের মধ্যকার ডেলাওয়্যার নদীর পশ্চিম শাখার উপর স্টেট রুট 206-এর সেতুকে "ফার্স্ট লেফটেন্যান্ট স্টিফেন এইচ. ডোয়েন মেমোরিয়াল ব্রিজ" হিসেবে ঘোষণা করে। এটি ফার্স্ট লেফটেন্যান্ট স্টিফেন এইচ. ডোয়েনকে সম্মানিত করবে, যিনি কোম্পানি B, 1ম ব্যাটালিয়ন, 5ম পদাতিক রেজিমেন্ট, ভিয়েতনাম প্রজাতন্ত্রের হাউ এনঘিয়া প্রদেশের 25তম ইনফ্যান্ট্রি ডিভিশনের প্লাটুন লিডার হিসেবে দায়িত্ব পালন করেন। তার কোম্পানি একটি কৌশলগত অপারেশনে সম্পৃক্ত ছিল যা হঠাৎ করে সুরক্ষিত বাস্কার ও পরিখায় লুকিয়ে থাকা শত্রু বাহিনীর সংস্পর্শে আসে। তার নেতৃত্বান্বিত সৈন্যদের মধ্যে কেউ কেউ শত্রুর ক্রসফায়ারের ফলে গুরুতরভাবে হতাহত হয়। ফার্স্ট লেফটেন্যান্ট ডোয়েন দ্রুত ও বিবেচনাপূর্ণভাবে সাড়া দিয়ে, যুদ্ধে আটকে পড়া সৈন্যদের উদ্ধার করেছিলেন। তিনি শেষ চার্জে তার নিজের জীবন উৎসর্গ করেন, তার অসাধারণ ও নিঃস্বার্থ কাজ তার কোম্পানিকে আরো হতাহত হওয়া ছাড়াই আটকা পড়া লোকদের উদ্ধার করতে সক্ষম করেছিল। লেফটেন্যান্ট ডোয়েন কর্তৃক প্রদর্শিত সাহসের প্রদর্শন তার লোকদের এবং মার্কিন সেনাবাহিনীর সর্বোচ্চ ঐতিহ্যের জন্য একটি অনুপ্রেরণা ছিল, যার জন্য তাকে ডেলাওয়্যার কাউন্টি থেকে একমাত্র মেডেল অফ অনার প্রাপক হিসেবে কংগ্রেসনাল মেডেল অফ অনার প্রদান করা হয়েছিল।

**স্টেট সিনেটর জন ডব্লু. ম্যানিয়ন বলেন,** "আজকের চেয়ে একজন আমেরিকান নায়ককে সম্মান জানানোর জন্য ভালো দিন আর কিছু হতে পারে না এবং 1st লেফটেন্যান্ট স্টিফেন এইচ ডোয়েনকে তার প্রাপ্য স্বীকৃতি দেয়ার বিষয়টি নিশ্চিত করায় অংশ নিতে পেরে আমি গর্বিত। আমি এই বিলটিতে অংশীদারিত্বের জন্য অ্যাসেম্বলিম্যান অ্যাঞ্জেলিনো এবং এই বিলে স্বাক্ষর করার জন্য গভর্নর হোকলকে ধন্যবাদ জানাই। 1st লেফটেন্যান্ট ডোয়েন দায়িত্ব, সম্মান ও দেশের মূল্যবোধের উদাহরণ দিয়েছেন এবং এখন তার পরিবার ও কমিউনিটির সদস্যরা আমাদের জাতির প্রতি তার সাহসী সেবার জন্য একটি স্থায়ী স্মৃতিসৌধ পাবেন।"

**অ্যাসেম্বলি সদস্য জোসেফ অ্যাঞ্জেলিনো বলেন,** "এর চেয়ে বড় ভালবাসার আর কিছু নেই: একজন তার বন্ধুদের জন্য নিজের জীবন উৎসর্গ করে।" লেফটেন্যান্ট স্টিফেন এইচ. ডোয়েন এই ধরনের আত্মত্যাগের উদাহরণ দিয়েছেন; তার বীরত্বপূর্ণ কর্ম ভিয়েতনামে একটি আক্রমণের সময় তিনি যে যুবকদের নেতৃত্ব দিয়েছিলেন তাদের রক্ষা করেছিল। আমি আশা করি এই সেতুর নামকরণ তার পরিবারের বাকি সদস্যদের কিছুটা সান্ত্বনা দেবে যে স্টিফেনকে কখনো ভুলে যাওয়া হবে না। আমি ওয়ালটনে যারা আছেন এবং যারা এই সেতুর উপর দিয়ে যাবেন, তাদের সবাইকে লেফটেন্যান্ট ডোয়েনের বীরত্ব সম্পর্কে জানার জন্য উৎসাহিত করছি।"

এই আইন (S.8085C/A.9046-B) অন্টারিও কাউন্টির কানান্দাইগুয়া শহরের স্টেট রুটের সংযোগস্থল থেকে স্টেট রুট 21 গঠনকারী হাইওয়ে সিস্টেমের একটি অংশবিশেষকে "রাঙ্ফ ক্যালাব্রিজ হাইওয়ে" হিসেবে ঘোষণা করে। রাঙ্ফ অ্যান্টনি ক্যালাব্রিজ কোরিয়ান যুদ্ধের সময় দুই বছর দায়িত্ব পালন করেন, তিনি ব্রোঞ্জ স্টার, কোরিয়ান সার্ভিস মেডেল এবং কমব্যুট ইনফ্যান্ট্রি ব্যাজসহ বেশ কিছু অলঙ্করণ লাভ করেন। কর্পোরাল ক্যালাব্রিজ ভেটেরান্স অ্যাফেয়ার্স এবং তার কমিউনিটির প্রতি গভীরভাবে প্রতিশ্রুতিবদ্ধ ছিলেন, যখন 1990 এর দশকে ইউ.এস. ডিপার্টমেন্ট অফ ভেটেরান্স অ্যাফেয়ার্স (Department of Veterans Affairs) কানান্দাইগুয়া VA মেডিকেল সেন্টার বন্ধ করার সুপারিশ করেছিল তখন তিনি এটি খোলা রাখার জন্য কঠোর লড়াই করেছিলেন। তার প্রচেষ্টা VA চালু রেখেছিল এবং আজ অবধি এটি তার সহকর্মী ভেটেরানদের পরিচর্যা করছে।

**স্টেট সিনেটর পামেলা হেলমিং বলেন,** "মি. ক্যালাব্রিজ একজন আমেরিকান হিরো ছিলেন, তার সহকর্মী ভেটেরানদের জন্য একজন সমর্থক এবং আমার ভালো বন্ধু ছিলেন। 'রাঙ্ফ ক্যালাব্রিজ মেমোরিয়াল হাইওয়ে' নামকরণ করা আমাদের স্থায়ী কৃতজ্ঞতা ও শ্রদ্ধার প্রতীক। আমি এই বিলটি সমর্থন করতে পেরে এবং অ্যাসেম্বলিম্যান গ্যালাহানের সাথে এটি আইনে স্বাক্ষর করার জন্য কাজ করতে পেরে গর্বিত। অ্যাসেম্বলিতে আমার সহকর্মী এবং গভর্নর হোকলকে তাদের সমর্থনের জন্য ধন্যবাদ।"

**অ্যাসেম্বলিম্যান জেফ গালাহান বলেন,** "রাঙ্ফ এ. ক্যালাব্রিজের আমাদের জাতির প্রতি নিবেদিত সেবা এবং আমাদের ভেটেরানদের সমর্থন করার প্রচেষ্টা সত্যিই প্রশংসনীয় ছিল, এবং তার কারণেই কানান্দাইগুয়া VA মেডিকেল সেন্টার আমাদের সার্ভিস সদস্যদের সহাতায় তাদের গুরুত্বপূর্ণ কাজ চালিয়ে যেতে সক্ষম হয়েছে। ভবিষ্যৎ প্রজন্মের জন্য তার উত্তরাধিকারকে স্মরণীয় করে রাখার জন্য এই বিলকে আইনে পরিণত করতে দেখে আমি কৃতজ্ঞ।"

এই আইন (S.8681A/A.8535-A) পারমা শহরের লেক অন্টারিও স্টেট পার্কওয়ে এবং ডানবার রোডের মধ্যকার স্টেট হাইওয়ে সিস্টেম রুট 259-এর অংশবিশেষকে "স্পেশালিস্ট জেসন হ্যাসেনুয়ের মেমোরিয়াল হাইওয়ে" হিসেবে ঘোষণা করে। 2005 সালে আফগানিস্তানের কান্দাহারে রাস্তার পাশে থাকা একটি বোমার আঘাতে একটি গাড়ি উল্টে যাওয়ার ঘটনায় জেসন হ্যাসেনুয়ের নিহত হন। তাকে মৃত্যুর পর তাকে স্পেশালিস্ট ফার্স্ট ক্লাসে উন্নীত করা হয়।

**স্টেট সিনেটর জেরেমি এ. কুনি বলেন,** "এই বিলে স্বাক্ষর করার মধ্য দিয়ে স্থানীয় ভেটেরান ও সমরনায়ক, স্পেশালিস্ট জেসন হ্যাসেনুয়ের ও সার্জেন্ট গ্যারি বেইকির্চকে শ্রদ্ধাভরে স্মরণ করা

হবে। এই স্বীকৃতির অর্থ হলো আমাদের দেশের সেবার জন্য নিবেদিত প্রতিটি সাহসিকতাকে স্বাগত জানানো। এই বিলগুলোর পৃষ্ঠপোষক হতে পেরে আমি গর্বিত এবং এগুলোকে আইন হিসেবে স্বাক্ষর করার জন্য গভর্নর হোকলকে ধন্যবাদ।"

**অ্যাসেম্বলি সদস্য জোস জেনসেন বলেন,** "গ্যারি বেইকির্চ একজন সত্যিকারের আমেরিকান বীর যার বীরত্ব ও সাহসিকতা তাকে মেডেল অফ অনার এনে দিয়েছিল, তবুও অন্যদের প্রতি তার সেবা অব্যাহত ছিল কারণ তিনি অন্যদের সাহায্য করার জন্য তার জীবন উৎসর্গ করেছিলেন এবং লাটা রোডের একটি অংশকে স্মরণীয় করা, গ্রিস শহরের কেন্দ্রস্থলে যাকে তিনি বাড়ি বলে ডেকেছেন, এটি আমাদের কমিউনিটির অগণিত সদস্যদের উপর তিনি যে প্রভাব ফেলেছেন তার একটি প্রমাণ। স্পেশালিস্ট জেসন হ্যাসেনুয়ের-এর সম্মানে টাউন অফ পারমারের নর্থ এভিনিউর একটি অংশকে স্মৃতির প্রতীক হিসেবে স্বীকৃতি দান হলো এমন একজন কমিউনিটি সদস্যের প্রতি বিনম্র শ্রদ্ধা জ্ঞাপন যিনি দেশের জন্য নিজের প্রাণ উৎসর্গ করেছেন। সেনাবাহিনীর সদস্য হিসেবে সামরিক সেবা বা হিলটন ফায়ার ডিপার্টমেন্টের স্বেচ্ছাসেবক অগ্নিনির্বাপক যে রূপেই হোক না কেন, তিনি সবসময় সেবাকে অগ্রাধিকার দিয়ে নিষ্ঠার সাথে কাজ করে গেছেন, তার এই সেবা ও আত্মত্যাগ আমরা কোনোদিন ভুলবো না।"

এই আইন (S.9028/A.10110) মনরো কাউন্টির গ্রিস শহরে স্টেট হাইওয়ে সিস্টেম, রুট 18 এর একটি অংশবিশেষকে "সার্জেন্ট গ্যারি বেইকির্চ মেমোরিয়াল হাইওয়ে" হিসেবে ঘোষণা করে। সার্জেন্ট গ্যারি বি. বেইকির্চ ছিলেন একজন ভিয়েতনাম ভেটেরান, মেডেল অফ অনার প্রাপ্ত, বিশিষ্ট নাগরিক এবং তার কমিউনিটির জন্য নিবেদিতপ্রাণ সদস্য। গ্যারিকে ভিয়েতনামে ক্যাম্প বাক-সংয়ে পূর্বে সম্পাদিত কর্মের জন্য মেডেল অফ অনার প্রদান করা হয়েছিল, যেখানে তিনি তার সহকর্মী সৈনিক, ভিয়েতনামী কমরেড এবং ভিয়েতনামী গ্রামবাসীদের জীবন বাঁচানোর জন্য লড়াই করেছিলেন এবং জীবনের জন্য ঝুঁকিপূর্ণ আঘাতের সম্মুখীন হয়েছিলেন। এরপর, তিনি তার জীবন কমিউনিটি ও অন্যদের সেবায় নিবেদন করেছিলেন। 30 বছরেরও বেশি সময় ধরে, তিনি গ্রিস স্কুল ডিস্ট্রিক্টের জন্য একজন মিডল স্কুল কাউন্সিলর হিসেবে কাজ করেছেন যেখানে তিনি প্রতিদিন হাজার হাজার শিক্ষার্থীর সাথে কাজ করার মধ্য দিয়ে তাদের জীবনে ব্যাপক পরিবর্তন এনেছেন। এছাড়াও সার্জেন্ট বেইকির্চ ভেটেরান্স আউটরিচ সেন্টারের সহ-প্রতিষ্ঠাতা ছিলেন যা মনরো কাউন্টি এবং পুরো অঞ্চল জুড়ে সেখানকার লোকজন সম্মুখীন হতে পারে এমন প্রতিটি চাহিদা পূরণ করার জন্য কাজ করে গেছে এবং করে যাচ্ছে যখন তারা সমাজে পুনরায় প্রবেশ করার চেষ্টা করছে এবং তাদের দৈনন্দিন জীবনে কিছুটা স্বাভাবিকতা খুঁজে পেতে চাইছে।

এই আইন (S.8688A/A.9653-A) নাসাউ কাউন্টির অয়েস্টার বে শহরের বেথপেজ স্টেট পার্ক-ওয়ের উপর দিয়ে ল্যাংডন রোড এবং নর্থওয়েস্ট ড্রাইভের মধ্যকার মেরিটস রোডে সেতু গঠনকারী স্টেট হাইওয়ে সিস্টেমের একটি অংশবিশেষকে "ট্রুপার জন জে. লেন মেমোরিয়াল ব্রিজ" হিসেবে ঘোষণা করে। ট্রুপার জন জে. লেন ছিলেন প্রথম বিশ্বযুদ্ধে একজন মার্কিন সেনা ভেটেরান এবং তিনি ছয় বছর ধরে নিউ ইয়র্ক স্টেট পুলিশে কর্মরত ছিলেন। নিউ ইয়র্ক স্টেট পুলিশের জন্য ট্রুপার লেনের নিবেদিতপ্রাণ সেবার কারণে তাকে তার নামানুসারে লেনি দ্যা K9 উপাধিতে ভূষিত করা হয়। লেনি দ্যা K9 নারকোটিক্স ডিটেকশন এবং হ্যান্ডলার সুরক্ষা কার্যে নিয়োজিত ছিলেন।

**স্টেট সিনেটর কেভিন টমাস বলেন,** "স্টেট হাইওয়ের একটি অংশকে 'ট্রুপার জন. জে. লেন মেমোরিয়াল ব্রিজ' হিসেবে নামকরণের মধ্য দিয়ে প্রথম বিশ্বযুদ্ধে আত্মোৎসর্গকারী এবং নিউ ইয়র্ক স্টেট পুলিশের কর্মী, ট্রুপার জন জে. লেনের জীবন ও উত্তরাধিকারকে সম্মান জানাতে পেরে আমি গর্বিত এবং আমার বিলে স্বাক্ষর করার জন্য এবং এটি সম্ভব করার জন্য আমি গভর্নর হোকলের কাছে কৃতজ্ঞ।"

**অ্যাসেম্বলি সদস্য জন মিকুলিন বলেন,** "ট্রুপার জন লেনের জীবন ও উত্তরাধিকারকে স্মরণ করার উদ্দেশ্যে এবং আমাদের সকল পরিশ্রমী ও নিবেদিতপ্রাণ নিউ ইয়র্ক স্টেট পুলিশকে সমর্থন জানাতে ওয়েস্টার বে-এর বাসিন্দাদের জন্য এই আইনের পৃষ্ঠপোষক হতে পেরে আমি গর্বিত," বলেছেন মিকুলিন। "আমাদের আইন প্রয়োগকারী কর্মকর্তারা কমিউনিটিকে সেবা দিতে এবং সুরক্ষিত রাখতে নিরন্তর কাজ করে যাচ্ছেন, এবং ট্রুপার লেনের মতো ট্রুপাররা আইন প্রয়োগের ক্ষেত্রে শ্রেষ্ঠত্বের শিখরে পৌঁছে কৃতিত্বের স্বাক্ষর রেখেছেন। আমরা তাদের সেবার জন্য কৃতজ্ঞ এবং আমাদের কমিউনিটিকে আরো নিরাপদ রাখতে সাহায্য করার জন্য তাদেরকে ধন্যবাদ।"

এই আইন (S.8726A/A.10024-A) স্টেট রুট 283, ওয়াটারটাউন সিটি লাইনে জেফারসন কাউন্টির পামেলিয়া শহর থেকে শুরু করে, উত্তর-পূর্বদিকে চলমান এবং জেফারসন কাউন্টির লে রে শহরে স্টেট রুট 342-এর সংযোগস্থলে শেষ হওয়া স্টেট হাইওয়ে সিস্টেমের একটি অংশবিশেষকে "কর্নেল মাইকেল অলামার মেমোরিয়াল হাইওয়ে" হিসেবে ঘোষণা করে। কর্নেল মাইকেল প্লামার ছিলেন আধুনিক 10ম মাউন্টেন ডিভিশনের একজন অফিসার ও এর অবিচ্ছেদ্য অংশ। কর্নেল প্লামারকে 1984 সালের ডিসেম্বরে ফোর্ট ড্রামে নতুন 10ম মাউন্টেন ডিভিশনের (লাইট ইনফ্যান্ট্রি) প্রথম চিফ অফ স্টাফ হিসেবে নিযুক্ত করা হয়, যা 1985 সালের 3 ফেব্রুয়ারি পুনরায় সক্রিয় করা হয়। তিনি স্ট্যান্ড-আপ এবং নতুন ডিভিশনকে সংগঠিত করতে এবং ফোর্ট ড্রামে নতুন ইউনিটকে সমর্থন করার জন্য প্রাথমিক অবকাঠামোতে 1 বিলিয়ন ডলারেরও বেশি অবকাঠামো নির্মাণের জন্য সহায়ক ভূমিকা পালন করেছিলেন। তিনি স্ট্যান্ড-আপ, প্রশিক্ষণ এবং জর্জিয়া থেকে নিউ ইয়র্ক আপস্টেটের ফাইনাল হোমে নতুন ব্রিগেডকে স্থানান্তরিত করার জন্য দায়িত্বরত ছিলেন। কর্নেল প্লামার নর্থ কান্ট্রি জুড়ে সক্রিয় ছিলেন, "10ম মাউন্টেন প্লাটুন অ্যাডপ্ট" (Adopt a 10th Mountain Platoon) কর্মসূচির নেতৃত্ব দিয়েছিলেন এবং "সোলজার 101" (Soldier 101) কর্মসূচি চালু এবং পরিচালনা করেছিলেন যা স্থানীয় কমিউনিটির সদস্যদের ফিল্ড প্রশিক্ষণে এক দিন ব্যয় করতে এবং স্থানীয় বেসামরিক কমিউনিটি এবং তাদের সামরিক প্রতিবেশীদের মধ্যকার সম্পর্ক বাড়ানোর জন্য ফোর্ট ড্রামের 10ম মাউন্টেন ডিভিশনে (লাইট ইনফ্যান্ট্রি) একজন সৈনিক হতে পারা যে কী বিষয় তা শিখতে সহায়তা করে। কর্নেল প্লামার যোদ্ধা ও তাদের পরিবারের সুন্দর জীবন নিশ্চিত করার কার্যে তার কর্মজীবন অতিবাহিত করেন এবং তিনি ফোর্ট ড্রামের সুরক্ষা ও সম্প্রসারণ কাজে নিজেকে উৎসর্গ করেছিলেন।

**স্টেট সিনেটর প্যাটি রিচি বলেন,** "কর্নেল প্লামার তার দেশ ও কমিউনিটির কল্যাণের জন্য নিজের জীবন উৎসর্গ করেন। তার সবচেয়ে বড় অগ্রাধিকারগুলোর একটি ছিল ফোর্ট ড্রাম ও ওয়াটারটাউন কমিউনিটির মধ্যকার সংযোগকে শক্তিশালী করা। তার সম্মানে এই দুইটি

পয়েন্টের সংযোগ সড়কের নামকরণের মধ্য দিয়ে আমরা বিনম্র শ্রদ্ধা নিবেদন করছি এবং এটি তার অসংখ্য অবদানকে চিরস্মরণীয় করে রাখবে।"

**অ্যাসেম্বলি সদস্য কেন ব্ল্যাঙ্কেনবুশ বলেন,** "আমার সাথে 1980 সালে রোটোরিতে যখন কর্ণেল মাইক প্লামারের পরিচয় হয় তখন থেকেই তিনি ও তার পরিবার 10ম মাউন্টেন ডিভিশন ও ফোর্ট ড্রামের একনিষ্ঠ সমর্থন ছিলেন। রুট 283-এর এই অংশটিকে তার উৎসর্গের স্থায়ী উত্তরাধিকার হিসেবে নামকরণ করার জন্য অ্যাসেম্বলিতে এই আইন বহন করা একটি সম্মানের বিষয়।"

###

আরো সংবাদ পাওয়া যাবে এখানে: [www.governor.ny.gov](http://www.governor.ny.gov)-এ  
নিউ ইয়র্ক স্টেট | এক্সিকিউটিভ চেম্বার | [press.office@exec.ny.gov](mailto:press.office@exec.ny.gov) | 518.474.8418